



Terenga 5: Hōtaka 16 – He kīanga wā

He Mihi

Anō he korirangi te reo Māori hei whakairinga mō te hukahuka mā me te hukahuka pango. Mō tātou katoa tēnei reo. Mō te hunga e ngākaunui ana ki tana oranga, ki tana whakarauoratanga. Kia piri tātou ki raro i te maru o te korirangi nei, kia pakari ai ō tātou pūkenga, kia noho anō te reo Māori hei reo matua mō tēnei motu.

Hei Mahi Whakarongo

He kaha ō tātou tūpuna ki te kawē haere i te rangi i titoa e tētehi atu, ka tāpiri kupu hou ki taua rangi. E haere ake nei taua waiata nā te kapa waiata o Taranaki i hopukina ai mō te hōtaka o Iwi Anthems.

Anei ngā pātai hei whakautu mā koutou:

- 1) Ko wai mā ngā tūpuna whaimana i whakahuatia i roto i te waiata nei?
- 2) Ko wai te ingoa o Tāwhiao i mua?
- 3) I tīmata te karakia Paimārire ki whea?

Kia whakarongo ake tātou ki tā Taranaki waiata.

He Whakamārama

Anei ētehi kīanga mō te wā kei mua tata i te aroaro o te tangata, mō te takanga rānei o te wā, ahakoa wā hipa, ahakoa wā heke. Tirohia ngā kīanga me ngā whakamārama mō ia kīanga.

- **haere ake nei** = atu i tēnei wā, haere ake
Haere ake nei, ko koe hei tumuaki mō tēnei kura.
- **mea ake nei** = hei roto i te wā kei te heke mai
Mea ake nei, mā koutou tēnei kaupapa e hāpai.
- **taro ake** = i muri i te wā poto
*I noho mātou ki Tāmaki, taro ake, ka hūnuku ki Whangārei, noho ai. (wā hipa)
Taro ake nei mātou hoki mai ai ki te whakaoti i ngā mahi. (wā heke)*
- **inangeto nei** = ākuanei
Ka hoki mai a Māmā inangeto nei me ngā kai.
- **ā taihoa nei** = ākuanei
Ka whakautua tō pātai ā taihoa nei.

He Mahi ĩ-papa

Whakaotihia te rerenga kei runga i ngā ĩpapa

Ā kō tonu ake nei...

Hei Mahi

Whakapākehātia ēnei rerenga reo Māori:

1. Me tīmata tō tunu kai mā te whānau, inangeto au hoki pēnā atu ai.
2. Moe, moe, pēpē, kaua e tangi, ka hoki mai a Māmā, ā taihoa.
3. Kua whiwhi koe ki tō tohu, ā, haere ake nei ko koe hei taurira mō ō tēina.
4. Ki te nui rawa te wai ki roto i te waka, taro ake, ka totohu.

Whakautu:

Mahi ĩ-papa: Ā kō tonu ake mātou kite ai i a koutou.

1. Start cooking dinner for the family, I'll be back soon.
2. Sleep now, baby, don't you cry, Mum will return soon.
3. You've received your degree, and from this point on, you'll be a role model for your younger siblings.
4. If the boat takes on too much water, it will soon sink.